

TUZAMK PRESS

press release tuzlanskog auto moto kluba # 15 - oktobar 2012.

PRVENSTVO BiH U OCJENSKOJ VOŽNJI SPRETNOSTI

OSV "Sanski Most 2012"

U izuzetnoj atmosferi i dobroj organizaciji održan je Rally Sanski Most koji lokalni klub organizuje tek po drugi put. Šteta što odaziv takmičara nije bio veći jer bi to u svakom slučaju doprinijelo još kvalitetnijem ugođaju. No ipak bili su prisutni svi takmičari koji nešto odlučuju u prvenstvu BiH.

Ekipa Tuzamk-a nastupila je sa tri člana i zauzela očekivano četvrtu mjesto. **Muhić Seifo**, već iskusan takmičar zauzeo je četvrtu mjesto, dok su **Asmir Šaranović i Nukić Dario** zauzeli deseto odnosno jedanaesto mjesto.



OSV "Ilijaš 2012"

Dobra organizacija Auto moto kluba Ilijaš i veoma skroman odziv takmičara karakteristika su ovogodišnjeg julskog ilijaškog Rally-ja.

Ekipa Tuzamk-a zauzela je peto mjesto, što je i očekivano obzirom na podmlađenu ekipu gdje je osim veterana Sejfe Muhića nastupili debitanti Dario Nukić i Asmir Šaranović i to sva trojica u drugoj klasi. **Sejfo Muhić** bio je šesti, **Asmir Šaranović** sedmi, a **Dario Nukić** deveti. Sejfo Muhić očekivano je bio prvi u klasi invalida.



Prvenstvo BiH - Karting sport

Karting trka "Goražde 2012" -

Nastavak ovogodišnjeg karting šampionata opterećen otkazivanjem organizatora nastavljen je na sreću goraždanskom troukom. Organizator je i ovog puta Auto klub 4x4 Sarajevo koji se potruđio da ovo takmičenje protekne u najboljem redu.

Ekipa Tuzamk-a očekivano je osvojila prvo mjesto. U klasi 60 ccm i 100 ccm junior **Almir Bajrić** zauzeo je prvo mjesto. U klasi 100 ccm senior i 125 ccm trojka Tuzamk-a zauzela je od prvog do trećeg mjeseta i to **Denis Tulumović** prvi, **Zijad Lonić** drugi dok je **Adil Smajić** bio treći.



Karting trka "Ugljevik 2012"

Nakon više odgađanja organizator Auto klub 4x4 Sarajevo uspio je organizovati trku u Ugljeviku. Trka je održana na na zatvorenoj gradskoj saobraćajnici što i nije bilo najbolje rješenje.

U nešto jačoj konkurenciji ekipa Tuzamk-a ponovo je osvojila prvo mjesto uz već poslovični plasman **Almira Bajrića** na prvo mjesto u klasi 60 ccm i 1000 ccm junior.

I u klasi 100 ccm senior i 125 ccm trojka Tuzamk-a zauzela je prva tri mjesto - **Denis Tulumović** je bio prvi, **Adil Smajić** drugi dok je **Zijad Lonić** bio treći.

Na kraju obzirom da je ugljevička trka posljednje takmičenje u kartingu u Prvenstvu BiH u 2012. godini to je sigurno da će Tuzamk i u ovoj godini biti šampion karting sporta.



Akcija saobraćajne preventive "Putujte sigurno"

Tradicionalna ljetnja akcija saobraćajne preventive pod nazivom "Putujte sigurno" održana je u toku jula mjeseca na području Tuzlanskog kantona. Akcija je održana u Tuzli, Kladnju, Kalesiji, Živinicama, Lukavcu i Gračanici.

U Tuzlanskom kantonu pregledana su 223 vozila od čega je tehnički ispravnih bilo 50 a tehnički neispravnih 183 što čini neslavnih 78,4% neispravnih vozila. Ono što je takođe zabrinjavajuće je svakako prosječna starost vozila koja se kreće preko 16 godina te prosječno pređenih preko 266.000 kilometara. Ovo sugerije da se na naših drumovima većim dijelom voze old timeri.

Najveće procent neispravnosti na vozilima vezan je za električne uređaje i svjetlosno signalne uređaje gdje je procent neispravnosti preko 60% pregledani vozila. Ono što posebno zabrinjava je da je 45% pregledanih vozila sa neispravnom kočionom tekućinom (skoro 8% vozila

nema ispravne kočnice), te da 25% pregledanih vozila nema potrebnu zakonom predviđenu opremu u vozilu.

Od ostalih neispravnosti potrebno je izdvojiti podatke da je kod 8,15% vozila neispravan upravljački mehanizam, da su kod 24,26% pregledanih vozila neispravni pneumatici, da je kod 12,45% vozila neispravan motor i prateći uređaji.

Ukupno sagledano po podacima u posljednjih 10 godina trend tehnički neispravnih vozila se povećava što je uglavnom posljedica starenja voznog parka ali i loše ekonomske situacije što se odražava i na loše održavanje vozila. Takođe je primjetno da u posljednjih nekoliko godina - konstantno svjetlosni uređaji i sistemi te kočioni mehanizmi se nalaze na vrhu neispravnosti pregledanih vozila, pa se može konstatovati da je tehnička ispravnost putničkih motornih vozila u Tuzlanskom kantonu nezadovoljavajuća.



Nagradni foto konkurs "Saobraćajna nekultura"

U okviru 7. Festivala filma i fotografije "Tuzla 2012" koji već tradicionalno organizuju Asocijacija za umjetničku fotografiju BiH i Foto kino klub Tuzla održana je i izložba fotografija nagradnog konkursa "Saobraćajna nekultura" čiji je organizator Tuzamk.

Na konkurs je pristiglo 217 fotografija od

74 autora, a učestvovali su učenici osnovnih škola Tuzlanskog kantona i srednjih škola iz BiH.

Pobjednik izložbe je Dino Mehmedović iz OŠ Pazar Tuzla, a nagradu fotoaparat na završnoj večeri 7. festivala u Teatru Kabare uручио му је Mustafa Terzić, predsjednik Tuzamka.



Dino Mehmedović - OŠ Pazar Tuzla - prva nagrada



TUZAMK
TUZLANSKI AUTO MOTO KLUB

PRESS RELEASE TUZLANSKOG AUTO MOTO
KLUBA. TEKSTOVI I FOTOGRAFIJE URADILI
ČLANOVI SPORTSKE I SAOBRAĆAJNE SEKCije.
ŠTAMPA : TUZAMKTURING TUZLA

TUZAMK PRESS

060